

PANEGYRI- CVS INAUGVRALIS,

Quo Autores, Vindices, & Evergetæ Il-
lustris Universitatis Aberdonensis
Iustis elogiis ornabantur:

Publicè dictum in Auditorio Maximo COLLEGII REGII ejusdem
UNIVERSITATIS, 7. Kal. Sextil. Anno 1630.

Quo Die Candidatus Accipiens in PHILOSOPHIA & Ar-
tibus ad gradum illum promovebatur,

Huic adjuncta est Coronis, Laudes exhibens Viri Clarissimi D.
D. ALEXANDRI RHEDI, Doctoris Medicinæ Ex-
cellentiss. recentis Benefactoris magnificentiss.

Ingenii animi est, ut quibus satisfacere nequeas, is te plurimum
tamen debere agnoscas.



UNIVERSITY
LIBRARY
EDINBURGH

Excusavit EDWARDUS RAYNOLD.

Anno Domini 1631.

ILLVSTRISS. ET REVE-
RENDISS. IN CHRISTO

PATRI, PATRICIO,

Miseratione Divina Episcopo

ABERDONENSI,

UNIVERSITATIS ABERDONENSIS

Amplissimo Cancellario, & Instauratori, Sereniss. Regis

Majestati à Consiliis Sanctioribus in SCOTIÆ

Regno, Baronì de CORHARIS, &c.



RATIONEM hanc (Reverendiss. Præsul) & al-
terius epigramma dum meditarer, animus fuit au-
ribus fluxim offerre: non oculis fidelibus subji-
cere. Verum Consilium retractare coactus sum
jussu, & suasu moderatorum nostri Gymnasij:
qui intuitu nuperi Benefactoris D. D. Doctoris

ALEXANDRI RHÆDI, & veteres benefactores recolendos, &
novitios pradicandos consultum existimarunt. Me morosum
& difficilem in imperio detrectando præbere impium: me verò ina-
nia hæc venari, & ex his famam negotiari vanum existimaui.
Neque enim pravum quorundam morem (qui morbus est hodie
epidemicus) unquam approbare patui: qui Orationes quascunq;
sacras præsertim, quantumvis frigide sint, & dilute, jura publici
sacrum. Ceterum opellam hanc affectus, gratitudinis studium, &
obsequium solum commendant. Τῆς ἐπίδειξιός ληυθ' &c.; vel
facund

facundia flumen à me expectandum non erat: qui in siccis eruditionis campo versor, ubi res ornari negas. Paucissimos invenias, qui cum Philosophia nostra eloquentiam conjungant: adeo adlubescit vel nuda & neglecta veritas. Quamùm ad instituti rationem, nemo à me iustum vite eorum, quorum elogia hic fisco, Commentarium expectare potuit. Oratiunculam, non Historiam contexo: & de viris maximis maxima solum propono. De cetero non ingratum tua paternitati fore hunc conatum existimavi. Decessorum tuorum Illustriss. (quorum virtutes factis exprimis, socius fama in terris cum sis, socius etiam futurus gloria in Caelis: & de quibus sedes ABERDONENSIS super alias omnes nostra genis gloriari potest) laudes audire amas. Tuas etiam ferre debes: si enim sileremus nos, vel GYMNASII nostri lapides loquerentur tua merita, & nostram ingratitudinem. Nec est quod assentationis labem metuamus, quod te efficiamus tua fama interest. Qui te intime norunt, haud ignorant locum gratia apud te haud esse lenociniis, & sycophantia, sed vera virtuti. Accedit, quòd gravissimi quique de tuo clero (quos excellens dignitas extra palpationis suspicionem collocavit) tibi laudes plus quàm meritas deferre gestiunt. Neque enim in re ulla alia fervent ingenia magis, & acriora sunt studia apud nos, quàm in laudibus tuis promovendis: & dum singuli certatim in laudes tuas pedibus ruunt, omnes vietas manus dare coguntur: & his se impares profiteri. Ut natalium decus & generis claritatem (quà cum majestate Musas conjunxisti) missa faciam, vulgi blandimentum, & illecebram, quibus ultimus locus semper fuit apud cordatos, omnis tua vita, cùm privata, nunc publica laudum fecundissima seges est. Neque aliud in te reprehendi potest, quàm quòd culpa cares. Et (verbo ut dicam) si beatissimi sis, quibus Deorum munere datum est, aut facere scribenda, aut scribere legenda (quod scribebat Plinius Tacito) te beatissimo beatiorum predicare possumus, cui utrumque DEI beneficio datum est. Pleraque omnia quae in tuam laudem scribi possunt, ab aliis occupata pratermittimus. Omnium tuarum virtutum optimum condimentum est singularis modestia.

*aquanimis. Mores enim non varians fortuna in melius varian-
te, animusq; accessu novæ amplitudinis non attollitur, virtutem id
inducat, quæ humanâ Orationem excedit: quam in te omnes vident,
qui dignitatem solis meritis partam (quod in seculo hoc ambitioso
rarissimum est) modestius sustines, quàm acquisivisti. Modestia
tua Comes est (ut fit) humanitas: cuius specimen jam exhibebis,
si nobis faveas: qui quod debuimus, non quod volumus, agimus.
Quod si faxis, tuam auctoritatem veluti Palladis ægidem obver-
temus eorum calumnijs, qui nos aut laudum defectu (qui error no-
bis de viris tantis dicentibus maximè opportunus fuit) aut laudum
excessu, quales nullos, aut paucos suspicor futuros, gravabunt. Si
quid stylo grandiori dictum, id candidus censor libertati Rhetoricæ
condonabit: quæ amplissimè in demegorijs sacris usurparunt Ec-
clesiæ purioris proceres. Tux Amplit. nostras Musas, meque
(qui tibi plus quàm cuiquam mortalium debeo) commendo: & te,
tuâq; omnia, IEHOVÆ sospitatori (ut soleo) scrijs supplicijs
enixe commendabo.*

Reverendissimæ Tux

Amplitudini Devotiss.

ANDREAS STRACHANVS,

Physiolog. & inferiorum

Mathematicum Professor.





GENERALIS,

Quo Auctores, Vindices, & Evergetæ Il-

lustris ABERDONENSIS UNIVERSITATIS

Iustis elogiis ornabantur :

Publicè dictus in Auditorio Maximo COLLEGII REGII ejusdem
UNIVERSITATIS, 7. Kal. Sextil, Anno 1630.

*Quo die Candidati Magisterii, in PHILOSOPHIA, &
Artibus ad gradum illum promovebantur.*



tur, dixit *Crispus Romana primus in Historia*. Dicere voluit, virtutis præmium est famæ celebritas, & neminis etiam post mortem Immortalitas. DEUS naturâ: Homo

virtute immortalis. Homo virtute plus quā Homo, Semideus;
& tantū nō *DEVS*. Ubi definit livor, ibi incipit laus, post fata.
Et, ut ille, *Vixit post funera virtus*. *DEVM* immortalē ! an
magis Macedonici Imperatoris sæculo tam vixisse dicendus
est Philosophus noster : quam nostro hoc, & superioribus
aliquor, quando in scholis docet, loquitur, regnat, domina-
tur. Taceo alios cū a pacis, tū a belli artibus celeberrimos :
quorum fama universum orbem hodie replet : cū
quibus etsi loqui non datur, de iis tamen loqui non cessa-
mus : quo se olim solabatur S. Hieron. in funere sui Nepotiani
Odiviam Virutem ! quā tūquam sale vel balsamo Homines

Famæ jacturam, & mortem quasi arcent, & ampliuntus. Quod de arbore Vitæ Doctores sacri, idem de Virtute ego: Hæc nos a mortalium conditione asserit, & vindicat. Immortalitatis appetitum, & conatum a natura hausimus, expressimus: Immortalitatis beneficium Virtuti debemus. Verum ut Virtus re immortalitatem; ita immortalitas spe Virtutem parit: & *immensum gloria calcar habet*. Quid Heroes ad tot præclara facinora, tot labores, tot pericula, ipsam denique mortem impulit, compulit? Nominis perennitas. Quid litteratorum principes, & dictatores, ad tot molestias, tot vigiliæ, tot sudores, tot volumina, tot monumenta ingeniorum consignanda damnavit? Nominis perennitas. Quod de Veritate Tullius, admiratione adductus; idem ego de Fama dicere cogor. O magna vis Famæ! magna vis Gloriæ! Magna est, & prævalet. Egregia omnia, eximia omnia quæcunque sub sole & cælo sunt, quæ certe plurima & maxima sunt, omnia hæc, secundò locò post magni numinis gloriam, Famæ debemus. *Deam hanc facimus caloque locamus*. Imperatores Homines invicti, & indomiti, qui nil nisi divinum spirabant, quibus universus orbis assurgebat, quibus denique quot erant in orbe Homines tot subditi, tot servi, Gloriæ fasces submiserunt: & ferè quò quisque est animo magè erectus, eò huic (si vanitatem, & ambitionem excludas) est magè addictus. Hæc nulli clientum numerò, meritò cedit. Virtutè, ut meritò est mortalitatis nescia, ita factò immortalè esse jubent omnes viri boni. Hinc profana antiquitas bene meritis tot statuas, tot trophæa, tot obeliscos, tot pyramides, tot colossos posuit. Sacra etiam antiquitas beatam memoriam Sanctorum anniversaria commemoratione celebravit in ipsorum natalitiis. Hoc vel restantur sanctorum diptychæ: quarum apud Ecclesiasticos scriptores haud semel mentio facta. Quidni ergo Musæ nostræ pietas verat mori dignissimos omni laude viros parentes, patronos, autores & fautores nostri Athenæi? Scripserim ut horum manibus, anno vertente, statò & condidit dicimur, quæ persolveremus. Et quo quoque die offi-

cum tuemus cōmodum magis, quam hisce nostris solennibus. **ELPHINSTONIA, DUMBARTIA, FORBESIA** ergo hodie celebrabimus. Quorum unum est meritum, eorum idem erit festum. Hanc triada hodie celebrabimus. Tria hæc sunt maxima nomina. His tribus triplici funiculo (qui non facile rumpitur) nos obstrictos profitemur. Primus **ACADEMIAM** fundavit: Secundus conservavit, & ampliavit: Tertiū eam prope-modum collapsam restituit. Perfectum hunc ternarium hominum perfectissimorum (quorum opera fuerunt, & sunt coram **DEO** perfectissima) veluti sacrum suspicimus. Quis unus horum trium sufficit elogiis? etiam tot linguas habens, quot olim Pentecostes festo loquutum est S. Apostolorum collegium. Divina horum dona, & merita ille solus æstimare, & deprædicare potest qui dedit **DEUS** Opt. Max. Linguae hominum, & ferè Angelorum his impares sunt. Sed quia non omnia, & singula; sed quia de his nihil satis dicere, opis est nostræ, idcirco nihil omnino dicemus? Non committendum. Quis ad **DEI** immensi, et infiniti laudes sufficit? ἀνεκφάντως ὃ εἰδὼς ἐνὶ θυῷ ἀνερίθνηται δυνάτων: ut habet Iustinus Martyr Parænesi prima. Quis tamen nisi vel imprudens, vel ingratus in ejus laudes ora non resolvet? Affectum afferimus ad horum encomia: Ingenium & grandiloquentiam huc nos non afferre testamur. Si minus ore exprimere, animo tamē admirari juvabit horum Heroum dotes: & post increatā & religiosè solummodò adorandam Triadem, huic creatæ triadi cordis triangulum destinare. Cur non illis voluntas sacrandæ, affectus deinde omnes, memoria denique; quibus intellectum horum omnium moderatorem debemus? Scenam hanc aperiet **ELPHINSTON**ius, ut tempore & sæculo, ita hic loco & compellatione primus. A nobis ætatis quidem decursu remotior, meritis tamen conjunctissimus. Hic est ille qui originem habere meruit ex illustri & perantiqua **ELPHINSTONIORVM** familia: ita conveniebat ut magnis magnus crearetur. Sed splendorem quem exinde mutuatus est, cum scenore rependit. Nunquam tantam honoris accessionem sensit natio il-

la, quæ GUILIELMUM ut virum primum, & familiæ principem semper suspiciet. Hic est ille quem virtus, quæ propria est, magis nobilitavit, quam decus natalitium, quod fortasse alienum est. Hunc hodie mecum admiramini Aud. quæ universa PARISIENSIS Schola, SCOTORUM illo sæculo ATHENÆ, & postea AURELIANENSIS è Cathedra (quam non semel ejus compatriotæ tenuerunt) IUS ECCLESIASTICUM proponentē velut oraculum, & gladio veluti Delphico omnes perplexissimos juris nodos rescantē admirata est. Hunc suspicite, qui tantæ tandem autoritatis inter Gallos fuit, ut eorum Senatus primarius eo in rebus maximis uti voluerit. Sed an hic Propheta propterea in sua patria, ut sit, sine honore fuit? Minimè verò. Melius de ea meruit, qui ejus charitate adductus, posthabitis opibus, & honoribus oppido luculentioribus, quos gens nobis semper conjunctissima ei enixè offerre voluit, totum se ei addixit, & patriæ fumo se involvit. Unde tamen statim luci redditus est. Ad dignitatis apicem & ἀποθνήσκειν per saltum non pervenit: quomodo solent illi, qui magè alienā gratiā, quàm suis meritis eo provehantur. Postquam GLASCUÆ primò, & deinde ANDREAPOLI (ubi sedes sunt Archiepiscoporum) OFFICIALIS (ut vocant) seu Ecclesiastici dicastæ munere defunctus est: quod officium Viris eruditissimis illò sæculò tantum deferrebat: postea inter Supremos Regni Consiliarios adscitus, oracula tanquam ex tripode fundebat, omnibus aliis apolectis pedibus in ejus sententiam euntibus. Tandem, utriusque cum privati, tum magni sigilli custodia auctus, regni magnus CANCELLARIUS solo DEO, & sub illo Rege minor factus: & quid si hoc fortasse quādam ratione major? Sacerdōs enim fuit, & Amistēs ABERDONENSIS, & designatione ANDRÆ Archiepiscopus. Porro pergere non dabatur. Supremū in politica sub Rege locum tenuit, supremum in Ecclesia locum tenere potuit: utriusque horizon, nexus, & confinium: quod de anima humana dicebat Ter-maximus in Asclepto. Tribus summis Regibus ordine succedētib; quæ charus fuit: quod rarissimi est exempli. IACOBUS III. & IV. in amore

GVLIELMUS solum ferè cõcordes: nec mutua similitates inter
 patrem & filium communè in GVLIELMUM benevolentiam
 delere potuerunt. Nullà re alià maiorem inter homines glo-
 riam comparavit: quam legationibus summa cum laude, &
 fructu obitis: quarum prima fuit ad *LVDOVICVM XI.*
GALLIARVM Regem, principem prudentiæ laude Clarissi-
 mum: qui *GVLIELMVM* tanta benevolentia est complexus;
 ut veluti indigenam inter regni primarios Consiliarios nu-
 merari voluerit. Ad *ANGLIÆ* Regem non semel optimo
 successu Legatus. Tandem ipsum Cæsarem *MAXIMI-
 LIANVM* salutavit. Præsentia multa regna & Provincias:
 Fama verò torum ferè orbem implevit. Illo annitente Iani
 Templum obsignatum: ejus auspiciis pax alma terris reddi-
 ta: ita ut omnes gentes charissimæ illi animæ benedicere po-
 tuerint. Magnus (ut accepistis) *GVLIELMI*, magnus cer-
 tè axiomatum cumulus fuit: at meritorum major. Gloria
 ad ipsum solum: utilitas ad universum regnum: imò ferè ad
 universum orbem: ad nos tamen potissimum pertinet. *GVL-
 IELMVS* hic primū, ab immanitate barbara nos vindicavit.
 Præclarū hoc *ECCLESIE*, præclarum *POLITIÆ* lumen nos
 de tenebris cimmeriis eripuit. Sol hic *SCOTOS*, verius
SCYTHAS Septentrionales, velut glaciem ad omnem ma-
 lam malitiam, & feritatem induratos ingeniorum cultura mi-
 tescere fecit. Illi debemus in summa quod homines sumus,
 & ratione uti possumus: imò illi & rationem, & Religionem,
 & in *DEUM* pietatem debemus: qua plus quam homines
 sumus. *ANDREAPOLI*, & *GLASCYÆ* Scholæ jam
 apertæ fuerunt: sola nostra Patria neglecta, aut saltem non
 ita exulta: donec singulari providentia *DEUS GVLIEL-
 MVM* servuum suum excitavit: qui hoc quod videtis Athe-
 næum ædificiorum amplitudine, & specie, supellectilis splen-
 dore, redituum opulentia, membrorum varietate, Præcepto-
 rum numero, Privilegiorum copia, Alumnorum denique nu-
 merò, & meritò nulli in toto hoc Regno fortasse secundum:
 cujus omnes hodie lapides, omnes trabes [*DEUM* Immor-
 talem] cum Oratorum Principe (ut loquar) *GVLIELMVM*
 loqui,

loqui, & prædicare videntur, & ad ejus memoriam gessere. Et certè cum in ædes oculos converto, solis regiam mihi videre videor: illis nihil magnificentius: nihil augustius. Quid referam **TEMPLUM** ex polito, & quadrato lapide constructum affabre? Quid in eo vitrinæ coelaturas? Quid subcella mira arte fabricata? Quid ei incumbens campinile editissimum? cui arcus lapideus instar diadematis inperialis manu **DÆDALI** efformatus supereminet. Quid in eo tredecim campanas? quæ vel lapides dulcissima melodia ad sacra vocarent. Quid aulam vel regibus invidendam? Quid Musæa privata? Quid publica auditoria? quorum vel Majestas ad studia invitat. Sed cum nihil magis decoro repugnet, quàm in laxa domo curta supellex, & angusta res in domo augusta, cætera voluit esse paria **GVLIELMVS**. Vasis ex melioris notæ metallis ad omnes usus, Vestimentis & Ornamentis ad sacros usus, Aulæis, Taperiis, Peripetastatis, & Peristromatis omni denique supellectile abundè instruxit: credidisses **ATTALI** Regiam. Nescio an in **APPELLIS**, aut **POLYCLET**I officina, plura artis statuariae, & Pictoriæ monumenta prostabant. Vastus est animus, qui sumptus quos in hæc impendit sanctissimus ille Antistes cogitare potest: quibus centimani labores adjecit, ac nec his etiam haud absque immodicis sumptibus defungi potuit, dum anno primò 1494. Bullam ab **ALEXANDRO VI.** Pontifice (qui ut non solum laudabilil huic instituto se favere testatum faceret; sed etiam se promovere velle, proventus qui ex Sancti **GERMANI** Hospitali, ei accrescebant **UNIVERSITATI** donavit, Anno 1495.) impetrat; pro erigendo in Veteri **ABERDONIA** studio generali, ut vocant: dum ab eodem literas conservatoriales **UNIVERSITATIS** Anno 1504. procurat: dum à **IULIO II. ALEXANDRI** Successore; Collegii **BEATÆ MARIÆ IN NATIVITATE** dicti erectionem confirmandam curat: dum hæc omnia autoritate Regis **IACOBI IIII.** munus: qui postquam **UNIVERSITATEM** Regia liberalitate auxir, ejus Patrocinium suscepit. Unde **COLLE.**

GIVM REGIVM audit PALLADIS hoc delubrum,
 quod GVLIELMI pietas sacrauit. Ad IACOBI
 IIII. exemplum, IACOBUS V. MARIA hujus
 Filia Regina, IACOBUS deniq; VI. (cujus augusta memo-
 ria adhuc fervet) ejus immunitates, & Privilegia rata ha-
 buerunt: eamque tanquam Filiam multò chariorem com-
 plectentes, ab omni injuria salvam, & incolumem præsti-
 terunt. Hodieque CAROLO Inviçtissimo, & Po-
 tentissimo nostro REGE vindice, & Patrono gloriatur.
 Non me fugit, non deesse viros cum primis eruditos (in-
 ter quos sunt PETRVS BERTIVS, in TABUL.
 GEOGRAPHIC. EPITOME, & alter qui hoc de indu-
 stria agens Lingua vernacula omnium totius EUROPÆ
 ACADEMIARUM natales extruit, cum aliis) quibus
 placet, ACADEMIAM nostram aliis omnibus in no-
 stra Patria esse multò annosiorē: utpote ALEXAN-
 DRI II. Regis tempore initia sortitam Anno circiter
 1220. Scriptoribus exoticis, suspicor id quod res est,
 occasionem incunabula nostræ ACADEMIÆ à tam
 alto principio repetendi, præbuisse BŒTII nostri ver-
 ba, LIB. xij. HIST. SCOT. in Vita ALEXAN-
 DRI II. quibus asserit ABERDONIAM jam an-
 te à GREGORIO, MALCOLMO inde II. ac
 postea à DAVIDE GULIELMI Regis Fratremul-
 tis Privilegiis ornata, ALEXANDRUM illum II.
 cum Sorore ISABELLA pluribus auxisse. Eruditissi-
 mum, utcunque (ut apparet) GULIELMUM, ma-
 gnus eruditionis zelus, & amor tenuit: qui eruditionem
 (qualem ferebant ea tempora) hic olim florentem, belli
 verò inclementiâ, & quæ hinc consequitur barbariè, ve-
 luti fulmine afflatam, & penitus deletam recrudescere, &
 resflescere effecit. Scilicet hæ sunt rerum vices, quan-
 do bifrontis illius DEI TEMPLUM clauditur, Scho-
 læ aperiuntur: & vice versa. Eruditionem ab eruditis,
 quemadmodum SAPIENTIA à suis, MAGNI fieri,
 & promoveri docet hodie vel GULIELMUM exemplum.

Charitas equidem Magna *GVLIELMI* in Literarum studia, & literatos. Sed an hujus radix; an fides minor? Minime verò. Consignata est sacris tabulis; & ab omnibus celebrata Apostolorum coryphæi fides: qua aquis inambulavit. Non sustineo alios, quantæcunque notæ sunt, cum Apostolorum minimo componere. Dicam tamen audacter. Non invenio talera fidem in nostro ISRAELE qualis *GVLIELMI* fuit: cujus beneficio hominum exercit^{us} quotidie super aquas incedunt. Et cujusmodi hic fuit cui flumina obsecundarunt? Quid velim subodoratis. Pontem nobilissimo Deæ fluvio injecit Deus ipse: qui septem columnis præaltis, operis tessellati innixus, admirationem sui omnibus excitat. Et si inter magni orbis septem miracula locum non invenit; inter nostri *μικροκόσμου*, ceu divisi orbis ostenta locum cum primis vendicat: sumptum enim ratione, operis necessitate, & structuræ magnificentia cum Gymnasio nostro tantum non certat. Quot quæso, ab ejus ætate, si ponte aquas non stravisset, qui aquas jam calcant, ab aquis calcati, & obruti fuissent? Dum ergo aliis pontem in terra, ipse sibi in Coelos pontem, & facilitorem aditum parat. Non jam dicam, quantum Templum Cathedralis S. *MACARIO* dicatum, donariis honestarit: Sacris utensilibus locupletarit: campanarum præsertim numero: quarum passim apud nos divinus fuit concentus, & celestis modulatio: & campinilis impendio superbi (cujus prospectus latissime omnibus patebat: & nautis in mari alto procul arida versantibus primo omnium se conspiciendam præbebat: iis dum cynosuræ cujusdam instar esset) amplioris denique chori ædificatione adauxerit. Si omnia convasarem, & ordine quæque suo digererem, & promerem, quæ *GVLIELMVS* memoratū digna præstitit, quando tandem dicendi finis esset? Vix sæculo quisquam comprehendet, quæ sæculo ipse patravit. Sed ambigitur utrum magis sollicitus sua FACTO, an gentis facinora SCRIPTO memoriæ posterorum commendare? Notum, ah nimis notum est, *ANGLO-RO-* *MANORUM* Gentem plus animis quondam à nobis aliam, quam locò conjunctam, occasione intestinorum, & in-

tēfne cinorum odiorum (quibus tunc nostra Patria flebiliter
 laborabat) Regnum hoc nostrum occupasse: & sui, propē
 erat, juris fecisse: ac non solum in corpora sēviisse; agros
 depopulatos, bona mobilia deprædatos esse; sed (quod
 fuit extremum odium, & ultima invidiæ linea) memoriam
 glōriosam nostræ gentis opprimere, & rerum egregiē gesta-
 rum Historiam, Commentarios, Annales, Fastos omnes unā
 quasi liturā delere voluisse: probē consciī cum fuerint no-
 stram gloriā, illo sæculō, cum illorum ignominia, (ut in-
 ter hostes fieri amat) ferē conjunctā. Et certē inter Abo-
 rigines & Terræ Filios relati fuissēmus: nostræ gentis origo
 & prosapiæ æquē futura fuit, ac Nili fontes incerta: nostræ
 denique gentis nobilitas æternis tenebris damnata fuisset:
 nisi opportunē succurrisset *GVLIELMVS*, & prisca monu-
 menta per omnes oras & angulos, seriā & sollicitā indagine
 tandem reperta, ad Cleanthis lucernam elucubrasset, & lu-
 ci iterum nos restituisset. Quod suo sæculō vixerunt primos
 nostri, *DEO*, & Naturæ debuerunt: quod nostrō hoc
 sæculō vivant *ELPHINSTONIO* debemus: quem cum videret
DEUS ad Heroica hæc, & Pietatis opera omnia comparatū,
 illi benefaciendi opportunitatem non invidit, sed *χαρίεν-
 τας* ei 30. annorum Pontificatum indulxit: ab Anno enim
SALVATORIS 1584. ad Annum 1514. hic sedit; quō
 annorum satur, & benefactis onustus piissimā animā *DEO*
 parenti reddidit. Sicut enim naves onerariæ tardius labuntur
 & appellant quam actuariæ: ita ingentes illæ animæ quæ re-
 ctē gestorū sarcinas colligunt, seriū immortalitatis por-
 tum consequuntur. Cur non hodie *GVLIELMVM* ut Pa-
 triæ patrem salutatū imus? Quam grata debet esse ejus me-
 moria, cui tot Heroum gratam memoriam acceptam referi-
 mus? Dicite primo pæan ejus manibus *ACADEMICI* om-
 nes, omnes quotquot estis, qui certē plurimi estis, qui ex no-
 stro Gymnasio tanquam ex equo Trojano prodiiistis. Bene-
 dicite ejus memoriæ viatores omnes. Tantū illum super
 æthera extollite, quantū ille vos super aquas. Omnes de-
 nique ingenui *SCOTT* ejus æternitati aram ponite: qui effecit

ut SCOTIÆ nomen æternum & immortale esset. Magna quidem hæc sunt quæ de GULIELMO commemoravimus: sed tamen tam vera esse, quàm quæ maxime vera sunt novistis Aud. Hic nihilominus omnem paginam non implebit. DUMBARI Antistitis ab illo optimi secundæ erunt partes: qui sicuti GULIELMUM τῆς διαδοχῆς serie sequitur; ita laude & meritis assequitur. Ne quid magis.

Non minor est Virtus, quàm quærere, parva tueri,
ait VATES Sulmonensis. Imo

Plus est servasse repertum,

Quam quæsisse novum.

GULIELMO propositum & conatum, GAVINO ἀποτέλεσμα, & operis complementum debemus. GULIELMUS pietatis opera, maximam partem, quæ animò & vorò perfecit, morte præventus factò perficere haudquaquam potuit. Quare ultimis mandatis aliis ea exequenda suis sumptibus commendavit: illis præsertim, qui in sede ABERDONENSI divina providentia sibi surrogandi essent. Illi autem quum ALEXANDER GORDONUS, de Illustrissima & Potētissima GORDONORUM Nazione Successor datus fuisset: & (morbo jugi ejus studia sufflaminate per integrum triennium quo Cathedram hanc occupavit) nullum operæ pretium præstitisset: GAVINUS deinde DUMBARUS suffectus est, haud absque numine: qui GULIELMI votis plus quàm satisfecit. GULIELMI ergo opus affectum; GAVINI perfectum. Quorsum & cui bono, tanta molimina: si in medio derelicta, ni optatum & designatum exitum fuissent consecuta. GULIELMUS plantavit, GAVINUS rigavit. GULIELMVS primam manum; GAVINVS ultimam operi admovit. GULIELMVS opus penicillo adumbravit, qualiter solent primo. Pictores, GAVINVS lumen & colores addidit. Apud populum segregem obtinuit, ut fratri improbi vita functo frater superstes semen suscitaret. Mater omnium nostrum ACADEMIA GULIELMI Filia fuit: cui & quidem ex lapidibus semen suscitavit Frater GAVINVS. Dubitant naturæ mystæ, utrum

foetus parens sit avis quæ ova deponit? An quæ incubatu ex alienis ovīs foetum educit? Ne hanc controversiam nostram faciamus, magnus hic pietatis foetus per me licet utroque hoc parente gaudeat. GVLIELMO qui *ovum hoc autem* peperit, & GAVINO qui diligenter incubuit foeturæ exclusioni. Licebit mihi illud Poëtæ retractare, *In magnis voluisse sat est*. Licebit & illi occinere, *In magnis voluisse vix sat est*. Voluisse quidem in magnis magnum: aggredi majus: perficere verò maximum. *Finis Opus coronat*. De GAVINO hæc fortasse dixisse sufficiet, quia eadem Fabula, vel vera potius Historia, quam de GVLIELMO pertexuimus, mutato nomine, de GAVINO narratur. Verum ejus major laus est, quod non solum operam; sed & sumptus contribuit, temporarios quidem: dum DONÆ Fluvii celebris (qui dum ab antiquis adeo temporibus excitatus fuit, vix Autorem novit) Pontem refecit refarsit, & quodam modo interpolavit: dum GVLIELMI legata vel interversa, vel operi in manibus crescenti non usquequaque respondentia supplet: perpetuos verò, dum proventus donavit, quibus DEÆ Fluvii pons (quem ille GVLIELMI quidem auspiciis, & impendio extruxerat) conservari, & refici possit: ne temporis (cujus longinqua vetustas valet omnia mutare) injuria, in pejus rueret, & hoc tantò commodò viatores fraudarentur: multum in hoc absimilis GAVINVS Navium Architectis; qui postquam semel naves compegerunt, & mari crediderunt, de cætero nihil solliciti sunt. Sed enim parum fuit GAVINO alienis fundamentis inædificare. Ipse sua jecit. Fanum Fratrum FRANCISCANORVM NÆ ABREDO-NENSE (quo nihil ibi magnificentius visitur) erexit. Prochodochium amplum & accommodum in VETERI ABERDONIA constituit; in quo redditibus ab ipso legatis XII. egeni aluntur: quorum pensum est sedem, & GYMNASIVM ABERDONENSE IEHOVÆ sospitatori commendare. S. MACARII basilicam, ὁ μακαρίτης hic, βασιλικῶς, ædificiorum novorum artē maximā

elaboratorum accessione, veterum etiam instauratione exornavit. Basilicæ hujus Sacellanos (quos communis in DEI Domo λειτουργία conciliavit) Aedes privatas communes habere voluit, amplas & splendidas, palatii in morem quadrilateras, majoris certè ambitus quàm est nostrum Gymnasium. Liberè Dicam Sacellanis quibuscumlibet in nostra Patria haud obligasse aedes augustiores. Permirum unum aliquem tot tantaque potuisse. Verum quid mirum? Cum proditum sit in Historia nostra omnes illum sedis *ABERDONENSIS* proventus (qui illo sæculo amplissimi fuerunt) ad teruncium, per totos 13. annos quibus eam tenuit, ab anno videlicet 1519. ad annum 1532. in usus pios seposuisse, & sequestrasse: nihil privatis suis usibus, nihil domesticis charitatibus de iis indulgens. Sibi enim, & suis affatim prospexit de bonis patrimonialibus, quæ ei ex Moraviæ Vice-Comite nobili loco nato abundè obtigerunt, & ex aliis quæ ei vel Principis benevolentia, qua pollebat, vel chartophylacis munere nactus est. Quantum moriens viris Ecclesiasticis quibus addictior erat; quantum cognatis suis, præcipuè vero virginibus egenis, dotis nomine, pro iis elocandis Testamentò reliquit, Fidem superat: vivuus cum tot opes, in omnes usus, cum privatos, tum publicos prodegerit. Semper *DUMBARUM* pro Viro Maximo agnoscitè; quem Serenissimus Rex *IACOBUS IV.* inter Regni sui Consiliarios intimos cooptare, & cui chartophylacium regni credere voluit. Scilicet antiqua *DUMBARORUM* virtus in *GAVINO* emicuit, qui quantum alii illius gentis fortitudine, tantum ille prudentia, iustitia, & vera pietate valuit. Præterieram, parum aberat, *GVLIELMVM STVARTVM*, Præfulèm meritissimum, & inter primos nostros Benefactores commemorandum: qui *GAVINVM* in sede *ABERDONENSI* proximè excepit: quam ab anno 1532. ad annum 1545. fœliciter administravit. Verum memoriæ, non affectus defectum hunc purate. Ferè enim experimur memoriæ idem usu venire, quod honori: fugientes sequitur, & sequentes fugit. Certè ferè nunquam minùs memoramur, quàm cum maxime

volumus. GVLIELMVS hic ſæculò propior nobis: at certe obſcurior. Quod Phyſiologi dictant, ad claram & diſtinctam viſionem, debitam diſtantiã requiri, ſecundùm quam id quod videndum proponitur, nec oculo nimis admoventum, nec nimis ab eo removendum, id ego ratum habeo: ſive id corporis, ſive Hiſtoriæ oculo adaptetur. Canities enim multorum ſæculorum oculum Hiſtoriæ diſgregat: & quæ vicina nimis ſunt ejuſdem oculus non congregat: putat enim, hæc famæ, non memoriæ, cui ipſa deſervit, intereſſe. Illa non valet accuratè contueri: hæc non vult liberè commemorare. Si quid tamen traditioni (quæ Hiſtoriam peperit) tribuendum: GVLIELMVM accepimus virum fuiſſe prudentiſſimum, & in rebus gerendis ſœliciſſimum. Hujus argumentum eſto, ſucceſſus rñs *πρωτοβύτας* ad HENRICUM VIII. ANGLORVM Regem haud ſemel factæ: quæ quod alii idem agentes tenere non potuerunt, pervicit, & impetravit; inducias, vel, ut aliis placet, plenariam pacem inter HENRICUM, & IACOBUM V. ejus ex Sorore nepotem faciens, haud abſque Regni, & Reipublicæ noſtræ inſigni compendio. GVLIELMVM hunc Regii nominis virum voluit Rex eſſe proxenetam, & nuptiarum inter ſe, & MAGDALENAM, GALLIARVM Regis Filiam pararium: quem & Quæſtoris, ceu Magni Theſaurarii munere cohoneſtavit: DEO providente ut in tres viros maximos, ſedis ABERDONENSIS protomyſtas, tria maxima Regni noſtri munia & axiomata conferrentur. Verùm animus GVLIELMO non fuit, Theſaurum in terra facere, q̃t̃i fraudi patet, & rubigine eroditur. Dignius ſe exiſtimavit Theſaurum bonorum operum in Coelos præmittere. ACADEMIÆ noſtræ dignitatem ab ELPHINSTON, & DUMBARO partam, pro virili tūtatus eſt. Et quum parum decoro conſentaneum cenſeret, ACADEMIÆ Sacellanos humiles habitare caſas, quibus deceſſorum Conſiliò ſtationes ampliiores designatæ erant, ipſe manſiones ipſis dignas fieri fecit, idq. ſuis impenſis. Prædia ſimul addidit his contigua. haud ignobilia. Denique priori

ACADEMIE fabricæ librariam addidit amplam & elegantem: quam & extruxit, & post alios instruxit. Eâdem curâ gazophylacium, in quo cimelia, & **ACADEMIE** archiva reponerentur, & **CAPITULUM** (ut vocant in quo ejusdem publica comitia fierent, struxit. **ZOROBASELI**, & **ESDRÆ**, qui secundum **TEMPLUM**, non minus; & quid si fortasse plus tribuendum, quàm **SALOMONI**? qui primum **TEMPLUM DOMINO** exædificavit. Pacificus hic tam otio, quàm rerum copiâ abundabat: parumque ei fuit, idcirco, quodcunque ferebat vastus animus, perficere: illi verò cum non tam sui, quàm alieni juris essent, contra omnes invidiæ, & malè feriatorum hominum machinationes, inter armorum strepitus, non tam malleis, & tudibus, quam gladiis, & galeis, secundum illud **TEMPLUM**, ædificiū quidem gloriâ impar, at procuratorum gloriâ facile par extruxerunt. **ELPHINSTONI**, **DUMBARI**, & **STUARTI** fuit primum **GYMNASIUM**, qui autoritate pollebant, opibus disfluebant, & in sæculo nimis religioso vivebant. Solius **FORBESII** est secundum **GYMNASIUM**: qui invictò & obstinatò animò, laboribus Theſei, vel Herculis, saxeò hoc sæculò, primum illud tantum non lapsum, & ad rudera revocatum postliminio excitavit: & Præposito nostro, viro optimo (ut nihil ejus auribus dem.) sub tanto onere iniquissimis temporibus penè fatiscenti, animos addidit, & de Republica propemodum desperanti reddidit. O incomparabilem gloriam! licet ego **S. Præsulis Hipponensis Mirabiliaris accenscar**; miracula tamen nostrò sæculò non desuisse fortiter credam: inter quæ primum hoc est quod nostri **Aristitis sanctitas** produxit. Matrem nostram, mortuam quasi, vitæ reddidit: ac velut **ELIASÆVS** alter ipsi suaviter incubuit: manus manibus, os ori admovit. **DEUS** bone! quam subita mutatio? quæ modo lugubris, & amens, sacco & ciliciò induta humi serpebat, jam animos resumpsisse viribus in præcordia redeuntibus, gestire, exultare, & quasi Cœlos digitò attigisse videtur. O diem omnium acclamationibus faustissimum! O lucis ju-

dar aureum ! quo FORBESIVS noster, & Cleri, & Po-
 puli votis antè expetitus, autoritate Regia, annitentibus
 Præsulibus, communibus totius Cleri suffragiis, secundùm
 præfatos canones, ABERDONENSIS Episcopus re-
 nunciatus est. Exinde ACADEMIA (quæ aliorum ἡ
 ἀνὰ φ, ἢ ἀνὰ λεία, ad angustias illas redacta est, quas si vel
 fando audiretis, vix à lachrymis temperare possetis) sibi
 optima quæque polliceri. Nec fefellit spes. Vix enim in se-
 de incaluit PATRICIVS, quum in ACADEMIAM
 genibus ejus advolutam, & suppetias efflagitantem, oculos,
 animùmque convertit. Quumque sui officii esse vidisset
 eam moderari, statim invisit, inspicit, languores ejus sanat,
 luxata restituit, inordinata componit, singulos denique quod
 sui erat officii facere & jubet, & facit. Ex illo tempore
 Cælum ACADEMIÆ nostræ velut Hercules alter susti-
 nuit. Ille, veluti primum mobile, nobis Rectorem Magnifi-
 cum D. D. IACOBUM SANDILANDIUM, ad cujus
 nomen gestio, utriusque Juris Doctorem eximium præfe-
 cit, Virum cōsultissimū, judicii subactissimū, nec in suo tantū
 campo miræ eruditionis: qui summa cum solertia, & fidelitate
 suo officio defungitur: ut est spectatæ probitatis, & summæ in-
 tegræ: imò quod sui officii non erat gratiis præstitit: Juris
 enim professionem quamdiu per valetudinē afflicta, & ætatem
 declivē licuit, summo cum applausu tenuit. Idem PATRI-
 CIUS nobis Decanū Facultatis Theologicæ spectabilem dedit
 D. D. Doctorem GULIELMUM FORBESIUM, ad cu-
 jus nomen obstupesco. Scientiarum is est Oceanus, eruditio-
 nis abyssus, quod de suo SCALIGERO dicebat Vir Clariss.
 D. HEINSIUS: βιβλιοθήκη εὐψυχῆ, & πνεύματος, quod de
 DIONYSIO LONGINO dicebat EUNAPIUS. In Bi-
 bliotheca, quam habet, instructissima nullam se doctiorē sche-
 dam agnoscit: & tamen non mavult quicquam scribere, quàm
 scire. Nescio an Theologū majorem oculus hic mundi nōrit.
 Meliorē certè virum hæc ætas non tulit. Natus videtur, & ad
 Regiæ hujus Academiæ, & ad Collegii Mareschallani (cujus ali-
 quādo Gymnasiarcha fuit dignissimus) omnemque & cōmodū

PATRICIUS. Privilegia ob soleta, & temporis præscriptione ferè emortua, & invalida facta, vitam, vim, & vigorem usu recuperare effecit. Brutum est sui roboris conscium non esse. Inane est Privilegia jactare, & eadem non usurpare. Quod cum non fugeret **PATRICIUM**, supremas dignitates Scholasticas, in viros omni laude majores (quorum vos hic vultus videtis) qui vel ipsas dignitates honorarunt, conferri curavit. Quid memorem **SANDILANDIOS**, **RHETOS**, **BARONIOS**, **SCROGIOS**, **SIBBALDOS**, **LESLEOS** maxima illa nomina, quæ non ut hominum eruditorum; sed ut eruditionis ipsius, quod de **TULLII** eloquentia dixit Rhetor, usurpare solent. **DEUS** mi! quanta diei illius celebritas, quo tot pileati **PATRES**, **THEOLOGIE**, **IURIS**, & **MEDICINÆ DOCTORES**, & **BACCALAUREI**, de **GYMNASIO** nostro, velut agmine facto, prodierunt: quò tot Orationum flosculis spargebantur, tot rationum arietibus sonabant, & strebebant nostra auditoria. Quanta auditorum frequentia! quantus eruditorum concursus! Rem hanc inusitatam, & nescio an ullò sæculò tantà celebritate hîc ante factâ viderunt plurimi: admirati sunt, & obstupuerunt omnes. Imò hujus rei Famâ excitati alienigenæ, hîc gradus ambierunt. Unû laudo **PARKINUM ANGLVM**, qui anno hinc elapso, Medicinæ Doctor renunciatus est: & rem sibi gratissimam factam grati animi argumentis testatum fecit. O vices rerum! nos non ita pridem, apud alios, titulos emendicabamus: nunc alii à nobis eosdem præcantur, & repetunt. O prædicandum hoc sæculum! quò nec Scholæ nostræ Privilegia defunt alumni, nec alumni Privilegiis. **PATRICIO** satis non fuit aliena restituere; nisi & ipse sua institueret. Ille nobis Theologiæ professionem novam, eademque manu ejus Professorem dignissimum **D. D. DOCTOREM IOHANNEM FORBESIVM**, dignissimum tanto Patre Filium dedit: & postularis, & calculis sui Cleri ad hoc incitatus, & inductus. Anxiè sollicitant **ASTRONOMI** critici prælagia neoterici syderis, Anni 72. post 1500. cui locus fuit in Cathedra **CASSIOPIÆ**. Talium

peregrinarum apparentiarum *περὶ πρῶτον*, quasi ex alto eludere humani ingenii perspicacitatem, nullus dubito. Si liberè tamen conjectare licet, fortasse insolita illa stella Cathedram occupans, inter alia, virum insolentis eruditionis, & pietatis, Cathedram nostram occupaturum portendit: quanta enim prudentia, & quam varia eruditio in hoc candoris genio confluant, effari vix sustineo. Neminem hinc latere potest, quàm benè de Clero *ABERDONENSI* meruit *IOHANNES*; qui suò exemplò illos qui Sacris initiati erant, veluti calcare ad altiorem eruditionem excitavit; illos verò qui Sacrae Scientiae consecranci erant, & sunt, diatribis suis reconditâ literaturâ plenissimis, ad altiora munia Ecclesiastica idoneos præstat. Dum Pater in Disciplina & Moribus formandis, ille in Doctrina & mentibus informandis laborat: vir tam omnium seculorum, quàm hujus in quo vivitur æquè gnarus: dum antiquitatibus (quarum callentissimus est) strenuè incumbit. Hospes est qui ignorat quàm bellè de universa ECCLESIA SCOTICANA meritis est, vir pacis studiosissimus: dum ad sopiendum prophanum schismatis, & dissidii ignem, quò nostra ECCLESIA, proh dolor, tota ardet & flagrat, præter vota & lachrymas, etiam Librum suum pacalem contribuit: qui omnibus doctis, & æquis rerum æstimatoribus, & nomine, & argumentò, & re ipsâ mirificè placet. Accedit ad cumulum laudum Antistitis nostri, quod nescio quò illiciò, quâ virtute magneticâ quasi, eruditos omnes ferè ad se trahit: adeo ut hinc crescat flos SCOTICÆ eruditionis. Et certè majus habetur eruditionem promovere, quàm habere. Hoc viri privati est: illud autoritate pollentis. Nemo sagacior ingeniorum æstimator, nemo æquior meritorum renumerato *PATRICIO*: qui ipse ad divinam, & fermè incomparabilè ingenii vim, quam ab alma parente natura habet, solidam eruditionem, quæ sola vera est, adjecit. Nescio an majori ambitione eruditi illum, an ille eruditos quærat: ut est similium mutui amor, mutuum desiderium. Neminem fugit, quanta cum sollicitudine D. D. Doctore *ROBERTVM BARONIVM*, in *ABER-*

NONIAM ad Verbi Divini Praeconium, & Theologiae Professionem novam, auro hoc *PATRICII* saeculo suscitata vocari curabit. Hic est ille mellitus Doctor, qui morum suavitate, & elegantia ad omnes promerendos natus est. Hic est ille qui subtilitatem Seraphicam cum summa perspicuitate posse conjungi ostendit. Hic est ille denique qui scriptis inclauit: & recens in vindicandis contra Adversarium negotiosissimum, Fidei, & divinae scientiae principis, se eruditionis sacrae finem & perfectionem assequutum arguit. Quanta doctorum in omni genere hic turba est! quantus Theologorum numerus! quanta gravitas! quanta venerabilitas! quanta cum eruditione summa sanctitas! Quantus Medicorum grex! quanta claritas! quantus splendor! quanta industria! quantus successus! Ut alios praeteream, quaternio hic est Medicorum lectissimorum, & celeberrimorum: qui dum ad communicanda Consilia coeunt, *Συμβόλοι* Ἀμφικτυονῶν faciunt. Hi sunt naturae archimystae, Asclepiadum gloria, Phoebi decus. Hi sunt qui ad artem illam Machaoniam omnia subsidia, omnia ornamenta adjunxerunt. Quantum uterque *IOHNSTONUS*, ejusdem uteri, ejusdem artis fratres, magnum gentis, maximum suae Ampliss. familiae decus, Mathesi profunda, quantum Poësi, & in pangendis carminibus valeant, novistis. *ARTHURUS*, Medicus Regius, & divinus Poëta Elegiae & Epigrammatis, quibus non solum suae aetatis homines superat, verum antiquissimos quosque, equat: *GULIELMUS* rei Herbariae, & Mathematicum (quorum Professor meritissimus est) gloria cluit. De *GULIELMO* certe idem usurpare possumus, quod olim de Tito Imperat. suavissimo dictum est, *Delicia est humani generis*; tanta est ejus comitas, tanta urbanitas. Quantis cum opibus, tum honoribus *GALENUS DUNÆUM* Medicum, cum doctrina, tum usu prestantissimum cumularit, non divinari audeo. Non fori, non caudicorum limina teruntur magis, ac ejus aedes. Illum salutant *PATRICII*; veneratur plebs. De illo (ut olim de *HOMERI* Patria) certat nostra *ACADEMIA*, cum *MARESCHALLANO COLLEGIO*: dum nos ipsi Medicinae Professionem, illi eidem *GYMNASII* sui curam primam detulerunt. Quam denique apte cum subli-

mi, & æthereæ suæ artis contemplatione, facilem & expeditam
 praxim consociavit. GORDONIUS! Medicus, & Alchymis-
 ta eximius, ætate quidem aliis minor; at prudentiâ, morum
 gravitate, & vitæ sanctimoniâ (quâ pleriq; dū causis secundis
 inhærent negligūt) nemini secundus: quibus omnibus de gente
 illa (ex qua multi fuerūt, qui bellō insignē gloriam pepererūt)
 posse etiam ingenia pacis artibus valentia prodire comproba-
 vit. Quod si corporum cœlestium conjunctionem cum cura
 observant Astronomi: Nonne & nobis tot cœlestium, & divi-
 norum ingeniorum conjunctio observanda fuit? Ad extremos
 Indos fortasse curremus, omnia Minervæ sacraria scrutabi-
 mur, antequam tot viros undequaque absolutissimos, idem
 Cœlum carpere, easdem sedes habitare comperiamus: quibus
 ducibus morborū omnium phalanges profigari possunt: quos
 genuit parens natura, ut in senio matrē sustentarent. Magni illi
 REMI ac ROMULI nepotes, rerum observantissimi, non so-
 lum quid à quoq; Consule gestum fuerit, verum etiam quid
 quoq; Consule rempublicam administrante factum fuerit,
 in tabulas retulerunt. Hoc felicitatis est: illud virtutis. Quod
 si nos ea omnia recenseremus, quæ & à PATRICIO patrata
 sunt, & ab aliis, illō clavum tenente, haberemus cur ho-
 rum temporum felicitatem meritò predicaremus. Scilli-
 cet ea est pietatis merces, DEUS non solum suorum co-
 natus fortunat; sed & ipsam sæculorum rationem, & alia
 omnia in eorum laudem ducit, & trahit. PATRICIO
 denique ἀναπλάσμων, & ἀπαρτισμὸν, qui hōc demum annō
 obtigit, debemus: quō & auditorum profectui, & præcepto-
 rum dignitati, & laboribus consultum est: dum Regentes in
 arribus, qui & linguam Græcam, & integram Philosophiam
 pædagogice tenebantur prælegere, ceteræ alicui professioni
 honorariæ destinavit. Mirantur fortasse extranei, rerum a-
 pud nos immutationem, postquā suō locō tot annis stete-
 runt. Dicam tamen non absque gravissimis rationibus, &
 post maturiorem deliberationem factam. In rebus novis con-
 stituendis evidens debet esse utilitas, ut ab eo jure recedatur
 quod diu æquum visum est, ait Lex Imperatoria.

Eadem tamen Lex, etsi nihil facilè ex solennibus mutandū est, tamen ubi evidens poscit æquitas, subveniendū est. Neq; enim unquā rigida illa Locrensiū politia, quæ nullam legum mutationem patiebatur, mihi placere potuit. • Et quis, quæsq; qui oculos in fronte gestat, hîc non videt evidentem æquitatem, & propemodum necessitatem. Antea ubique fuimus, ac proinde nullibi fuimus. Professio vaga, incerta, volatica, & cursoria. Omnia consecrandō omnia deperdimus; vel saltem nihil egregiè præter cætera, sed omnia mediocriter: si tamen mediocriter, ut habet Latinissimus Comicus. Iam pedem fiximus. Spartam unam nacti sumus, hanc exornare enitemur. Qui iter longinquum foeliciter conficere volunt, ii equos subinde mutant, unum semper non urgent. Qui stadium Philosophicum optimè emeriri volunt, hoc per Præceptores, velut equos dispositos præstabunt. Ad scientiarum mare, & vastissimum disciplinarū omnium Oceanum enavigandum, vix sufficit unus PALINURUS. Advertitis ne Aud. eos qui τὴν παιδείαν ἐγκυκλίον comprehendere volunt, vertigine plerumque laborare, & sibi vix satis constare: quod familiare est iis, qui intra circulum se expatiandō sese fatigant. Quidam etiam circulum hunc labyrinthum experiuntur; quō se nunquam expedire queunt. Quis quadrigam hanc Professorum instruxit? quis agit? quis, nisi πολὺντις Antistes? cujus tantō excellentior gloria est in beneficiendo, quod & gentis nostræ, & universi ferè sæculi hodiernum genium superet. Quod ferreum hoc sit sæculum, nos malè habet. Vix in terra fides, & refrixit charitas multorum. Vtinàm non magis malorum, quam bonorum ferax esset sæculum hoc, omni ratione ultimum: quo *visita jacet pietas*. Vtinàm non infœcundiora essent nostra corda, quam est nostrum solum. Non ita pridem poterat nostrā Patria, pro facultatum tenuitate, cum quavis alia ferè componi, in pietatis & charitatis operibus: & fortasse aliis multis in his faciem præferre. Ite, videtē basilicarum, cœnobiorum, aliarumque religiosarum domuum pompas, superbas, & infanas ferè substructiones: quibus instaurandis, vix totius Sco-

TIÆ pretium, si hastæ subjiceretur, si fieret. Perpendite, æstimate redituum, & emolumentorum invidiosam amplitudinem; & proclive erit cognoscere, quàm degeneres simus ab avis, & atavis. Apud nos vel ipsum DONATIONIS, & MORTIFICATIONIS, ut vocant, vocabulum penè exolevit. Tantùm abest, ut natio hæc sacrilega, maximam partem, primorum donariis aliquid adjicere velit, ut eadem illa jam, hei mihi! devoraverint profanæ & crudeles Harpyæ: & cultus reformationē, peculii sacri deformationē & devorationē, audire effecerint. Studet unusquisq; patrimonium suum, vel cum DEI Patrimonii imminutione, ampliare. Nemo, ferè nemo DEUM in partem hæreditatis adiscit. Quamdiu ei iḡ ἡγάρτια nobis vitio vertent, quòd fidem, nudam fidem crepamus, operosam tamen fidem nescimus. Utinam tandem solidam pietatem ediscamus, & vel decessorum indigenarum, vel contemperaneorum alienigenarum exemplò permoveamur. ANGLOS propono (ne procul hinc eamus, & horum sanè exemplum cum domesticum & familiare sit, vehementer urget) quos consignatis tabulis dabo, postquam iis purioris EVANGELII lux affulsit, plura, eaque insigniora Pietatis monumenta reliquisse; quàm ducentis abhinc annis in universo terrarum orbe relicta sunt. Mirum, si verum. Mirum, sed verum. Hæc omnia quorsum spectent videtis AUD., ut PATRICIO nimirum major exurgat laus: qui sterili hoc & effœtò sæculò Benefactorum adeo fœtus est. Quidni illum affectuum torrente obruimus: qui juventutem nostræ parentis, velut Aquilæ, renovavit. Cur non pileati vel laureari legimus vestigia ejus currus? & eum tanquam Camillum, alterum privilegiorum & immunitatum assertorem veneramus? Cur non illi ut Averrunco, Sospitatori, Ἀντρωπῶν, Evergetæ, & DEO denique à machina litamus?

Nam spes, & ratio studiorum in Prasule tantum est:

Solus qui nostras hac tempestate Camillus

Respexit: ut canit Poëta Aquinas.

Si prisca ECCLESIAE PATRES, etiam demortuos Rhetori-

cā ~~apostrophis~~ alloqui non dubitarunt; licebit ne mihi absente præfulem compellare. Audebo. Maeste Præsul optime. Maeste Heros maxime. Perge ACADEMIÆ nostræ magis, magisque favere, & sub benevolentia tuæ alis fovere.

O decus! O fama meritò pars maxima nostra!

Profitemur, quò major est tua benignitas, eò magis pudore suffunduntur Virgineæ Musarum nostrarum genæ, & animis excruciantur: quum excussis omnibus facultatibus in seipsis nihil reperiunt, quod pro tanto meritum cumulo piè rependant. Sed frustra angī fatebor, quia rependendo non sunt. Se tamen æterna cūm veneratione tanta munera & cogitaturas, & prædicaturas recipiunt.

*Et quodcunque mea poterunt audere Camæne,
Seu tibi par poterunt, seu (quod spes abnuī) ultra,
Sive minus, certeq; canent minus, omne vocemus
Hoc tibi.*

De cætero, Coelos votorum nimbò invadere, & fatigare non desinemus, ut serus in Cœlum redeas, & diu Musis nostris intersis. Et si liceret, quod olim veteres ROMANI gratulabundi Imperatori suo acclamabant, idem usurparemus nos hodie,

*De nostris annis tibi Iupiter augeat annos.
Dii tibi dent Præsul quicquid venerande mereris.
Et rata perpetuo quæ tribuere velint.*

Injustus essem, si dum alios BENEFACTORES commemoro, ALEXANDRVM ARBVTHNOTVM, GYMNASIARCHAM quondam meritissimum suis justis laudibus fraudarem. Vel mihi ingratitude labem affricem, vel illi Benefactoris laudem non infimam tribuam necesse est. Scitum est apud scientiæ syderalis mystas, stellas minores soli, à quo lumen foenerantur, viciniōres, ab ejus excellenti fulgore obscurari, easdēque a sole justò spatio remotas, se se iterum nobis ostentare. Utcunque ALEXANDER,

si illum cum magnis illis luminaribus conjungas, eorum
 fulgore involvetur, obstruent enim ejus luminibus: si ta-
 men, ut æquum est, per debitam distantiam divellas eum,
 qui alienò sæculò *ἑμπερι*; stellæ huic suum constabit lu-
 men, suus honos. *ALEXANDER* hic dispendia,
 quæ *GYMNASIUM* accepit, dum sacra murata sunt,
 magnò successu, & majori nisu refarcienda curavit. *GYM-*
NASIARCHA ANDERSONVS, qui illi cessit, sacris
 Romanis perditè addictus erat; Vir cæteroquin doctus
 & probus: cumque animò præcepisset *GYMNASIVM*
 novorum sacròrum seminarium futurum, si superesset, om-
 ni ope annixus videtur ut secum desineret. Supellestem
 pretiosissimam abalienavit & intervertit. Fundos, et decimas
 damnosis infeodationibus & elocationibus prodegit. *ACA-*
DEMIE Archiva, Tabularia, Censuales, & diplomata, seu
 chartas quas vocant, quantum in ipso fuit suppressit &
 celavit. Omnem denique rem nostram prope erat dilapi-
 davit & decoxit. Quæ omnia non tam ex dolo malo, aut
 cupiditate prava, quam ex zelo præpostero profecta autumo.
 Ut quod res est dicam, *ANDERSONO* debemus, quod
 Cælo non pateant moenia: quod non detecta, & demolita
 omnia. Cum enim profani illi prædones & depeculato-
 res (qui sanctissimò Reformationis proposito ad sua privata
 commoda abutebantur) *Mammona*, non *DEO* servien-
 tes, ita Auro & Argento inhiarent, ut ne vilioribus quidem
 metallis parcerent, plumbo quo *GYMNASIVM* nostrum
 contegitur, & æri ex quo constat sunt Campanæ, ipse fer-
 rô vim reppulit. *ARBUTHNOTVS* utcumquè dam-
 nis ab *ANDERSONO* illatis occurrens, cum præter
 nuda moenia nihil ferè *GYMNASII* nostri superstes es-
 set, in hoc omnia Consilia direxit, omne studium defixit, ut
 beneficia Ecclesiastica, quæ alii dum privatis commodis ap-
 plicarent, devorabant, ad usum sæcrum & publicum nostri
GYMNASII converterentur. Quare annò 74. post
 1500. Beneficium *SUCCENTORIE*, ut vocant,
 seu *ECCLESIE PETRINÆ* Beneficium, cum

Beneficio *ECCLESIAE FVRVIENSIS*, & Capellaniis, ut vocant, *WESTHALLENSI* & *FOLARV-LENSI*, juris nostri fecit. Anno denique 79. eo sollicitante, *ROBERTVS METELLANVS*, Capituli *ABERDONENSIS* Decanus dignissimus, suum beneficium in nostrum *GYMNASIUM* transtulit: unde uberiora emolumenta percipit quam ex re quavis alia. Quantam denique gloriam, *ALEXANDER* & sibi, & *ACADEMIAE* peperit, ex eruditione illò sæculò rara, & probitate omni sæculò rara, fama adhuc loquitur. Nec dissimulandus silentiò *WALTERVS STVARTVS*, cujus auspiciis, inter alia, beneficium *ECCLESIAE METHLICENSIS ACADEMIAE* appensum, & appositum est: & si uberior benefaciendi seges se obtulisset, uberiores *ACADEMIAE* messëm reportasset; ni mors præmatura eum in ipso ætatis flore (dum videlicet annum sextum supra tricesimum ageret) nobis eripuisset. Quantum is, qui hodie nostro *GYMNASIO* præsidet, præstitit, in repetendis rebus ab aliis abalienatis, decimis præsertim, quæ intra nostrum Territorium sunt, norunt omnes qui nostrarum rerum gnari sunt. Quod plura & maiora nò præstitit vir integer vitæ, temporum, non hominis vitium est. Nec dubitamus, quin adhuc magnum aliquid operæ pretium facturus sit, quod fama loquatur. Quanta interim reddituum *ACADEMIAE* accessio, & incrementum factum sit, res nostras promovente illo, & administrante *PROGYMNASIARCHA*, vix faciliè divinabimini; tanta cum sit, ut ferè dupli facti sint. Hic est ille cujus eruditio omne genus, & sacra & exotica, omnibus qui eum norunt magè nota est, quam sibi. Hic est ille, qui si se aut nosset (que est ejus modestia, & de se existimatio exilis) aut nosse vellet, singulari ornamèto nobis esse posset, ut jà planè magnò est. Hic est ille deniq; qui etsi omnia nò sciat, neq; enim hoc mortalis est, pauca tamen ignorat. Qui aciem instruunt, solent nò solum duces belli, sed & subsidiarios milites recensere. Idè nobis faciendum, qui sacra militiæ ductores, ceu potius duces in pacis artibus commemoramus: nisi vceremur nos præfiniti


temporis, nos Orationis terminos excessuros. Pergendum esset à primipilis, & benefactorum primiceriis, ad gregarios; à magnis illis numinibus *ELPHINSTONO*, *DUMBARO*, *STVARTO*, *FORBESIO*, ad minora numina. Dicendum esset de *IACOBO BRUNO*, *ECCLESIAE ABERDONENSIS* Decano, & *DUNCANO SHERARIO*, *ECCLESIAE CLATENSIS* Rectore, Viris Clariss.; qui *ELPHINSTONIO* tantum opus molienti, & velut Arcam DOMINI erigenti, manus, quod aiunt, adjutrices porrexerunt, & non tam ut necessitati succurrerent; quam ut εὐνοίαν & εὐφροσύνην testatam facerent, symbolam haudquaquam poenitendam contulerunt. Ac ille quidem beneficii sui particulam, decimas videlicet quorundam prædiorum in proximo decerpfit, & velut *πρόξενον* quoddam illius, quod in solidum postea ACAD. cessurum erat, libavit; hic verò idoneos redditus donavit, quibus Stipendiarii, ceu Bursarii, ut vocant, duo, alter Theologiæ, alter Philosophiæ Studiosus, alerentur. Nec tacendus esset *BERNARDUS CARGILLUS*, Vicarius *ECCLESIAE BAMFIENSIS*, ut vocant; cujus munificentiam insignem experti sunt *ACADEMIAE* Sacellani. Multum, & prolixè commemorandus esset Vir Illustriss. *NICOLAUS HAYUS*, Synodi *ABERDONENSIS* actuarius, postmodò etiam Officialis, ceu Commissarius Generalis, ut uocant, qui & minoribus egenis in *COLLEGIO* merentibus, & Senioribus emeritis in *Ptochotrophio* agentibus, extremis tabulis liberalitatem suam commodavit. Locus etiam hic esset *CHRISTISONO*, *MELDRUMIO*, *CHYNÆO*, & aliis non paucis *ACADEMIAE* hujus Alumnis, qui cum in communione Ecclesiæ Romanæ vixerint, aut etiamnum vivant, amplissima, ut à Viris fide dignissimis accepimus, Patrimonia nobis legarunt: quæ aliarum Scholarum in *GALLIA* & *BELOIO* usibus applicantur, & accommodantur: tantisper dum ad sacra eorum jamdiu *DEI OPT. MAX.* immortalis beneficio desita & antiquata redeamus: quàm conditionem etsi animitus abominemur, eorum tamen

benevolentia nonnihil tribuendum est. Minimè omnium negligendus esset Vir piissimus & probissimus, D. IACOBVS WATTYS, ECCLESIAE SNATHENSI, in agro EBORACENSI Præpositus, inibique in Sacro Ministerio summa cum laude suâ, & Gregis sui fructu longè maximò multos jam annos versatus: qui licet procul corpore nobis agat, animò tamen & affectu jamdiu nobiscum est; dum qui suum pectus CHRISTI Bibliothecam fecit, quod idem à NEPOTIANO olim factum perhibet S. Pater STRIDONENSIS, in BIBLIOTHECA nostra, quæ apparatu olim cum quavis alia in Regno hoc certare poterat, postea verò partim temporum injuriâ, partim quorundam incuriâ, & viscosis ac hamatis manibus dissecta, dissipata, & direpta, nunc denuò instruenda & instauranda aliis viam prævit: fundósque insuper in vicinia haud angustos S. S. THEOLOGIAE Studiofo alendo destinatos elargitus est: & cum Patriis Symmystis denique novam THEOLOGIAE Professionem surrigendam pro virili curavit. Nec ambigere fas est, quin si quò occœpit pede porrò pergere instituat, tandem inter illos majorum gentium evergetas & semones, dixerim, transcribendus sit

*Verum hac ipse equidem (& alia multa) spatiis exclusus ini-
Prætereo, atque aliis post me memoranda relinquo. (quis*

Interim quæ accepistis AUDITE. affectus à nobis & promerendi studium expressit: quæ quamvis tantorum Virorum factis minimè respondeant (hec enim dum stupet animus, deficit Oratio) pietatis tamen & gratitudinis favore æquis placebunt. Hec sunt quæ meditati sumus ad alios (quibus de meliori luto finxit præcordia TITAN) veluti Classicò, & celestimate excitandos, ut horum laudes latius prædicando promant, & imitandò promereantur: dum vident hos ex caducis & corruptioni obnoxiiis quæ erogarunt, immortale inter homines nomen, immortalem apud DEUM Gloriam reportasse. Vos verò cœlestes, præclaræ, & excelsæ animæ ELPHINSTONII, DUMBARI, STEARTI, aliorumque omnium, quibus nos obnoxii sumus, salvete. Salvete

Heroum sanguis. Salvete pietatis genius. Salvete vos quorum laudibus personant Cœli: quorum *αἶθ'α* decantant puræ illæ mentes, & recitant *οἱ μακάραι*. Salvete, avete, & æternum valete. *Εἰ τις ἀισθῆναι*; si quicquam cogitationum humanarum est in vobis relictum; si vestrorum adhuc curam geritis; accipite hunc Conatū: quem cum omni devotione, vobis ex intimis sensib⁹ offero. Nostri memineritis incertū: certē dum in Cœlo, Sol, & Luna fulgebunt, vestri haud unquam obliviscemur. Dum vos DEUM, nos vos celebrabimus.



AD

ORATIONEM

DE

PHILOSOPHIÆ ORIGINE, IN-
cremento, & ad nostra usq; tempora progressu,

*Habita in Fæsto Promotionis Candidatorum Magisterii in PHI-
LOSOPHIA & Artibus, 4. Kal. Sextil. Anno 1631. In audito-
rio PHILOSOPHICO COLLEGII REGII ABERDONENSIS,*

CORONIS, LAVDES EXHIBENS V. CL.

D. D. ALEXANDRI RHÆDI,

Doct̃oris in Medicina excellentissimi (quam LONDINI AN-
GLIÆ Metropoli, optimo successu, & haud minori fama
exercet) & recentis nostri Benefactoris Munificentissimi.



Ommittendum non duxi, AUDIT. Ampliss. vel
ut auribus vestris, quæ jam fastidiō levandæ
sunt abuterer, vel ut vos, MAGISTRE, quos
hucusque Discipulorum & Filiorum, nunc ve-
rō parium, & fratrum locō habeo, *ἀπερὶ ἡμε-
τέρας* dimitterem. Consilium, quod inter
utrumque succurrebat, hoc erat, ut brevi catastrophe scena
hæc in quam reducor finem inveniret. Alma vestra Mater

A C A D E M I A, Magistri, cujus nomine ego vos officiosè
 & prolixè extremum saluto, quas artes vos docuit (& quas
 liberales, audacter dicam, liberaliter non docuit?) earun-
 dem vos Magistros renunciavit: ita ut quas ipsi ab aliis didi-
 cistis, jam ipsi alios docere possitis. Vos quos Titulis &
 Dignitatibus Scholarum pares fecit, iisdem affecit. Hono-
 res Filiorum aliorum Parentum sunt *vota*: vestrae Matris
 sunt *dona*. Supremus Magistratus subditos virtutibus or-
 nare haud valet: in iis tamen, si Sceptum non erret, virtutes
 honoribus cumular. At cum solo **D E O** hoc commune
 habet vestra Mater; suae eruditioni suam lauream, suis virtu-
 tibus suos honores adjicit. Beneficia recogitate, quibus
 vos jam antè beavit, quae vobis charissima esse debet. Mulie-
 res, quae communem pariendi legem excedunt, Mense X. XI.
 aut summum XII. parere solent. De **E L E P H A N T O**
 animalium terrestrium maximo, proditum est in Naturali Hi-
 storia, eum integrò bienniò uterò gravescere: cum natura
 non queat tantum foetum breviori spatìò elaborare. Nescio,
 an ullum sit animal, quod uterum diutius gestet. Verùm ec-
 cè Matrem vestram integrò quadrienniò vos uterò fovere
 non piguit. **M A C A B A E O R U M** Mater virilis animi
 Heroïna, quum filios ad martyrium obeundum extimularet,
 hoc argumentum tanquam omnium validissimum usurpare
 non dubitavit: mementote aiebat ego vos integros I X.
 menses utero meo portavi. Si animos vestros confirmaret
 vestra Mater **A C A D E M I A**, ad patiendum non solum
 pro veritate divina; sed etiam pro ejus fama, & existimatio-
 ne, argumento isti vires addere potest, & spatium *ἑννέα μῆνας*
 in quinque *ἑννέα μῆνας* convertere. Pro parvo tamen ei
 fuit, suò uterò, tanquam equò **T R O J A N Ò** vos circum-
 ferre, nisi & abundè vos saginasset, & lacte, & solidiori cibo
P H I L O S O P H I A E. Inter prodigia habetur, si intra
 uteri cavernas vocem edat infans, quem à silentio inibi, ita
 dici voluerunt linguae auctores: verùm, consuetudine stu-
 pore expectorante, ordinarium est, & quidem absque
 observatione, vestrae Matri *ἑννέα μῆνας* habere, id est,

linguarum cognitione imbuere, linguæ præsertim sanctæ, quæ eruditionis divinæ, & Græcæ, quæ omnis eruditionis & divinæ, & humanæ clavis est. Officia excogitate, quibus omnia hæc vos animò venerari, & quando res feret, factò respondere velle testatum facere possitis. Atque, in hunc finè ego vobis propono Viri Clarissimi, & de nobis optimè meriti, D. D. Doctoris ALEXANDRI RHÆDI (cujus gratiâ Diem Festum non ita pridem habuimus) *ἡμετέριον* recens, *Classicò* dignum, Famâ & Memoriâ perpetuâ dignissimum: *cujus nos vocalissimos præcones spondemus perpetuò futuros.* Ego hodie toto conatu, plenis buccis, ejus benefacta prædicare ayeo. Utinam modo faveret tempus! Ego eadem aliis, per omnia sæcula, donec ultimus ille buccinæ sonitus auditus fuerit, ebuccinanda relinquo. Loquor ejus laudes, quæ nunquam postea apud nos filebunt. Utinam ad laudum ejus cumulum accederet! ut die tam solenni, dicendi aliquis Magister Primarius ejus decora & adoras recenseret, vel HOMERO vorfâ, aut XENOPHONTE Oratione prorsâ encomiastis dignas: quod dum faxit, ego, ut quco, pro temporis ratione ad illas veluti digitum intendam. RHÆDUS hic noster (qui novam Benefactorum familiam, quam suò exemplò excitaturus est, bene ominamur, ducit) ut pietatis, & charitatis operibus operam dare posset, improles esse voluit. Facultates, quas alii, dum domesticis charitatibus nimis indulgent, ad propinquos, & *liberos* transmittunt, ipse ad pios usus superesse voluit. Illum ad charitatis opera natum, & totum factum putate, qui ut esset illorum fecundus, liberorum sterilis esse voluit. Maxima ergò ejus est, ut videtis, charitas; sed quæ in se maxima sunt, nisi & tempestive, & optimè collocata fuerint, corrumpi possunt. Maxima autem ejus est, & ordinata, & suò simul tempore facta charitas. Quò ordine ipse ab aliis beneficia porcepit, eodem ordine ipse illis benefacta retribuere voluit. BANCHORTI eis Deam, pago haud ignobili, ubi Pater IACOBUS RHÆDUS Sacri Ministerii antistitium gerebat, qui RILEO

RUM gentem, ut credibile est, excitabit, tanti nominis
 foras se futuram apud nos, ac apud **ROMANOS** olim, Vir,
 ut ferebant ea tempora, prudentiæ laude clarissimus (cujus
 gnomæ, & sales summo acumine, lepore, & elegantia conditi
 vulgò circumferuntur) & ubi nunc Frater Vir nulli in **Clé-**
ro ABERDONENSI eruditione, prudentia, & morum
 gravitate cedens, qui paternam laudem facile æquat, eodem
 defungitur: **BANCHORII**, inquam, prima eruditionis
 elementa cum vita accepit, inter ceteros Fratres, qui om-
 nes ingenio fuerunt vastissimo, & foelicissimo. Quare an-
 te omnia loco natali, ut par erat, gratificari satagens, Scho-
 lam illustrem & liberam, sumptu haud modico, ibi aperi-
 endam curavit, structuræ splendore, reddituum copiam, li-
 brorum supellectile, & alumnorum numero insignem: qua-
 lem nullam in villis aut pagis nostræ Patriæ videbitis:
 imò quæ ferè, titulis omnibus commemoratis, Scholas ple-
 rasque urbicas non solum adæquet, sed & superet. **PTho-**
CHODOCHIKM etiam ibi extruendum curavit: quod
 idoneis redditibus auxit, ut viris, pueris, hominibus om-
 nium ordinum benefacere possit. Postquam **Eusepius** hic no-
 ster **BANCHORII** prima Stipendia fecisset, ad uberio-
 rem foelicissimi ingenii culturam capeffendam, huc se contu-
 lit: & quod foelix faustumque fuit, in matriculam Almam hu-
 jus **ACADEMIÆ** se dedit: ubi tot tantosq; & in discipli-
 nis humanioribus & Philosophicis progressus fecit, ut per
 eos facile viam sibi paraverit ad supremum dignitatis Scho-
 lasticæ fastigium, quod hodièque in sua arte tenet. Et certè
PHILOSOPHIÆ nostræ cum Medicæ (à cujus peritia
 Clarissimus est noster **RHEDVS**) singularis est necessitu-
 do. In hoc ergo **ATHENÆUM** ejus secunda cura incu-
 buit: cui ut satisfaceret, animum adiecit ad **ACADE-**
MIA liberos alumnos uberiore victu sublevandos. Ipse ma-
 li non ignarus, miseris succurrere didicit. Quam enim pro-
 be cognosceret, esse hic ingenia ignea, vivida, & florida, quæ
 inedia extinguit, & duris in rebus egestas opprimit, & enc-
 cat: horum commiseratione adductus, *est* illis con-

stipuit: quod olim vati Mantuano, ab Imperat. ALEXANDRO, dum primos divini illius ingenii conatus expertus esset, factum legimus, in ejus vita. Non ita cum ACADEMIA Beneficiariis agitur, ac cum Monachis olim. Hos otium, & luxus, illos labor, & inopia disperdit. ACADEMIAE institutores, extra controversiam, abunde alumnis hisce de mensa suo saeculo caverunt. Verum cum aliter hic vivatur ac pridem, aliter foris utamur, & duplo ac triplo res carius emanant, quae est rerum vicissitudo, fieri haudquaquam potuit, ut demensum illud primum hominibus saeculo satis responderet. Quare ALEXANDER, ut nostra tempora prioribus equaret, & Saturni saeculum ACADEMIAE renovaret, auri & argenti copiam insignem hac amandavit, & velut aureo benevolentiae vellere Matris egestatem contexit. Audit furdus etiamnum venter tuam benignitatem ALEXANDER. Ingenium largietur idem ille, cum Satyrico Volaterrano dicam, & illis suum Xapis expediet. Et, sicut ad beatissimae DEIPAE praesentiam gessit, & exsistit uterus Genitricis magni Prodromi SALVATORIS nostri (quod absque derogatione rei tam sacrae acceptum volo) ad tui memoriam, ad tuum nomen gessit, & exultabunt multorum intestina. Tibi pedibus plaudunt choreas, & carmina dicunt. Te denique, his verbis, salutare non desinent: Beatus venter, qui te portavit, & ubera quae suxisti.

Qua te tam laeta tulere

Sacra? qui tanti talem genuere parentes?

Studete jam, secunde Alumno, studete graviter, curas praeterquam Scholasticas deponite, animo tranquillo estote. Nolite de victu amplius esse solliciti. Solvit ALEXANDER longa vestra jejunia: quae jamdiu vos inopi domant victu, ut Orationem quam strinxit Naxos, solvam ego. Solvit jejunia vestra, quae non intermissa, & interrupta, sed continua fuerunt. Solvit non quadragesimae, aut quinquagesimae, aut etiam sepruagesimae jejunia, quousque jejunia quidam in in prisca ECCLESIA protraherant.

sed septuaginta annorum jejunia. Vestrum squalorem detestatur. In lætitiā vestrum luctum, vestrum jejunium in convivium Socraticum convertit ALEXANDER. Deduxit vos ERYTHRÆUS per mare miseriæ rubrū, & vos in terram CANANÆAM, terram copiā prælargam introduxit. Sed quid proderit cutem curare? animum verò negligere, quæ pars melior & diviniore est. Quod est corpori cibus, hoc animo LIBRI: his pascitur, hos in succum & sanguinem convertit, his valet, vigerque. Absque his foret, elanguesceret, contabesceret, & emoreretur. Absque his cogitationes nostræ crude, & effere. Vidit hoc ALEXANDER. Metuit animorum maciem. Verebatur ne tandem eruditio hinc exsucca, & strigosa esset. Quare qui paucorum necessitatibus exterioribus, omnium animis mederi voluit. Ille rejectis quilibet Librorum *πρωγάδια, πύματα*, & *ἐκδορπισμοίς*, cum GRÆCIS dicam, huc misit: ut his tanquam sesamio aut promulside, vel languentes stomachos irritaret. Cibaria alia usus consumit: hæc usu teruntur, & non deteruntur. Hæc nos immortalis convivio excipit ALEXANDER. Hic gravitas THEOLOGICA cum subtilitate MEDICA, & JURIS majestate commiscetur. Hic amœnorum literarum lepores cum acrimonia PHILOSOPHICA confunduntur. Negotium fuit haud modicum duobus summis Regibus, laudabili & tantis principibus digna æmulatione, non de agris, aut fundis, aut hujusmodi tricis, sed de re literaria inter se decertantibus, PTOLEMÆO PHILADELPHO ÆGYPTI, & ATTALO PERGAMENI Regi, qui eodem seculo regnarunt, horum cuique, BIBLIOTHECAM unam adornare. RHÆDI ergo tenuis esse gloria haud potest, qui in fortuna privata, & novam BANCHORII librariam instituit, & antiquam hinc restituit. CÆSAR Dictator (qui tot bellis defunctus, tot victoriis potitus, tot trophæa reportavit, cum magnam librorum vim undique corrasisset, ut BIBLIOTHECAM sapientiæ armamentarium quasi, domi forisque omnium compos, faceret, ipse vivus

eam absolvere non potuit. Verum ille utriusque militiæ delictum (qui quantum Marte feroci valuit; tantum etiam loquendo) armatæ togæ victima cum fuisset, **AVGVSTO CÆSARI** Filio cum hereditate curam illam transmisit. **ALEXANDER** noster curam duorum **CÆSARVM** ipse per se explevit. **DEMETRIVS PHALERÆVS** (qui **ALEXANDRINAM BIBLIOTHECAM PHILADELPHI** auspiciis solummodo procuravit) ab **ATHENIENSIBVS**, quibus per decennium præfectus fuit, tot statuis ornatus fuit, quot *lucæ annus habet absolutus*, id est, *trecentis & sexaginta*: tot enim dies annus numerabat. Cogitate ergo, quot statuis dignus sit noster **ALEXANDER**, qui negotium suum agit. Certè mihi statuarum **IUBILÆVM**, aut sæculum mereri videtur. Videtur cum **ANTISTITÆ** nostro (qui ad omnem **EVERGETARVM** commemorationem ubique præsto est, semper occurrit, & in hoc campo dominatur) contendere hac de re. Ille cum cerneret proelum esse **BIBLIOTHECÆ ΠΡΟΤΕΥΤΗΡΙΟΥ**, divinam illam & **IOVIS** cerebro dignam **ARTEM TYPOGRAPHICAM**, (quæ nunquā ante saltus Caledon. & juga Græpia salutarat) huc tanquā de Cælo devocavit: atque hæc prærogativā effert se **ACADEMIA** nostra super alias omnes nostrates. In tantis frigoribus nec proelum sudare cessat, idque haud absque operæ pretio. Non solum enim excuduntur hic Libri, qui omnium **SCHOLARUM** usibus deserviunt; sed etiam ii, qui cum genium habeant, nostris **SCHOLIS** earumque rectoribus ornamento sunt: idque **TYPIS** splendidis, qui lucem illustrissimarum Regionum ferre possunt. Hic verò **PRÆSVLI** nostro semen concedit: at fructus sibi vendicat: Semen **TIPOGRAPHIVM** est: Libri fructus sunt. **ALEXANDER** fructus etiam maturos, libros qui proelō jam prodierunt, donavit. Communis esto gloria: utilitas in solidum nostra est. Videtur etiam cum fratre germano, de meritis & de gloria, hoc in negotio certare. Ille Bibliothecam τῆς κατὰ κινεμάτιον insignem Collegio M.A.

RESCHALLANO dedit, dicavit: cum quò locò res nostræ essent ignoraret. RHÆDUS verò noster geminā adornavit. Habeat ergo cum ætatis prærogativa & laudum prærogativa. Partiuntur inter se Parentes & Præceptor hominem: hic animam, illi corpus vendicant. Solus DEUS PATER SPIRITUM OMNIS CARNIS totum hominem postulat, jure merito. Et sub eo, ALEXANDER hic totum efflagitare potest; dum omnium partium curam agit. Accipe ergo ALEXANDER, quod tuum est. Nosmet nostraque omnia tibi ex asse addicimus, devovemus & mancipamus. In tuam potestatem transimus. Nobis manda, impera, & ut voles, utere. Solent Convivæ, ab epulis, deambulatione lentā valetudini suæ consulere. Habet quid simile anima. Dum libros versat, dum ruminat, sedet: quiescit: convivia agit. Est & animorum quidam motus: dum extra se abeunt; dum per liquidum aëra in summos Cœlos penetrant; dum sydereas faces, earum motus & incessus, aliaque ad illas spectantia observant & cum illis quasi moventur; dum terræ tractus, marisque profundi spatia oberrant. Qui alijs moderandis præsumunt, eorum et requiem & motus, domi forisque observant & tuentur, Domi nosmet continemus, de ALEXANDRO vivimus: libris ejus vescimur in Bibliotheca: quam post non-neminem eruditionis sedem, sapientiæ domicilium, literarum securissimum sacrarium, & denique magnarum animarum Prytanæum & quasi Capitolium dixerim. Dum expatiatur animus, dum alia extra se, dum Cœli cameram, dum terræ planitiem conquæri gestit, & ut cum vate Patrio dicam: *Dum late in populos ferimur ——— pollicem* *Immensum referamus opus,* *viaticum suppediat ALEXANDER.* Non omni studio, schedis & chartis defungimur. In quibusdam Mathematicis præsertim, ad *invenias* provocare oportet. Cœlorū orbes perennes, ne desuper eludant, in fragili orbe ludimus; cum Syracusano senex Terram, quam calcamus, integrā comprehendere visu non valemus: tanta ejus moles est, tanta

laxitas. Quare huic defectui *αὐτῇ* occurrimus. RHÆ-
DUS, cum sciret Mathematica (quorum excellens digni-
tas est, & usus in vita humana singularis) ob instrumento-
rum penuriam negligi; aut saltem non ita accuratè excoli,
integram ferè Mathematicorum suppellectilem huc transfudit:
ita ut URANIA nostra, quæ prius jacebat, jam caput
✕ efferat. Sphærâ τῆ κοίτης ancâ, Archimedis manu dig-
na, & globò, ut vocant, coelesti splendidissimò, tanquam
geminis oculis, Coelum intuetur illa. His machinis, cœ-
li arcem invadit, & expugnat, alioquin inexpugnabilem.
In Globo terrestri fulgentissimo, omnia mundi Regna, om-
nes Regionēs, omnes Provincias, Urbes omnes, & oppi-
da sicco pede emetimus. Videmus pontum illud conten-
tionis, punctum illud, ad quod Regum, & Magnatum im-
mortales lites terminantur: videmus, & ridemus. Nos
Coelò & Terrâ *Representantiis* donavit RHÆDUS: ipse
Verò Coelò dignissimus: Terræ *Vera* latifundia collaturus
haud dubiè; si ejus votis omnia paterent & parerent. O
laudem melioribus sæculis, nedum hōc, cui pietatis &
charitatis venæ penè exaruerunt, egregiam, & raram! Cur
non eum præconiis in Cœlos tollimus? qui nos in Cœlum,
quasi manu ducit. Cur non ejus decora per universum
hoc, quàm latè patet orbis, propagamus? qui nos per
terras comitatur, & domi peregrinari facit, absque convicto.
Prætereo jam, ut vestris auribus AUDIAT. & tempori ali-
quid condonem, QUADRATUM, expressam largito-
ris effigiem: qui vir est quadratus, & ex omni parte con-
summatissimus, & alia. Habes Vir Excellentiss., apud
nos tredecim, quorum dum corpora tuâ benevolentia res-
cis, te totum, animam cum corpore Divinæ miserationi
commendabunt. Habes nos omnes Academicos tibi de-
vinctissimos, & devotissimos: quorum animos, dum libro-
rum copiâ pascis & recreas, tibi optimè velle, & tuam magni-
ficentiam celebrare nō desinemus. Te in Aula nostra invenio:
te in Bibliotheca: quocunq; deniq; me in Gymnasio conver-
to, RHÆDUS occurrit. Illum poscit Theologus: quærit Me-

dicus: ambit Iurista. Eum cum singuli quærant, inveniunt omnes: illum salutant, & cum illo loquuntur. Nunquam, nisi & doctiores, & meliores ab eo discedunt. Verum parùm ei fuit *ἰναίτωρ* benefacere; nisi & *ἰναίπωρ*. Pleriq; pessimò cùm consiliò, tum exemplò, in extremo vitæ articulo, aut saltem quando de valetudine conclamatum est, ad erogandũ se accingunt: quos similes illis iudico, qui viâ opacâ & obscurâ incedentes, facē post se relinquūt. Quid si subita & inopina mors consiliũ abruptat? Quid si aliorũ negotiorũ moles, quæ tũc vel maxime incũbere solēt, valetudinis cura, mortis horror, dolorũ sēsus, *τῶν κατ' αἶμα περσόνων* bonis inhiantium importuni clamores consiliũ expectorent? Quid si, deniq;, morbi vis & natura effoeta consiliũ inturbent? RHÆDVS noster, hoc intuitu, dũ se paratũ sensit & à consilio et à facultatibus, tēporis usurā fecit, et occasione avidè arripuit. Non eum fugit, plei osq; pessimā fide defunctorũ ultima mādāta exequi, cāq; vel invertere, vel intervertere. Quare, his fraudibus prævertendum esse duxit, ipse vivus vidensq;. Semel dedit, sed bis dedisse existimād' est: quia citò dedit: idq; nō de bonis hereditarijs: res enim alibi partas solũ vertere fecit, et in Patriā ire docuit: tātũ apud eũ valuit ejus amor; nulli quā Iosēpho in hoc similior: qui ejus exemplò similiter, amicos privatos in Patria et pauperes sublevat, et divites ornat. ROBERTI WILKII V. Cl. (qui Collegij LEONARDINI in ACAD. ANDREANA Præses erat) laus hōc hemistichio, cujus ipse autor existimatur, comprehenditur: *Hic parata est, hic maneat res.* Voluit scilicet vir pius fluminum indolem sequi: qui, cum ab Oceano originem indipiscantur, in eundem redeunt et exonerantur. Existimabat, ut est personarum, ita rerum sacrarum esse quoddam natale solum: quo in loco cùm sint, optimè cùm illis agitur. RHÆDUS verò noster nullò sacramētò adduct', quod solent Viri frugi, hoc præstitit. Lares privatos & conjuges deserunt; ut res alibi lucrifaciant & domum convehant. Ita Civis Cœli res suas sacro exiliò multavit. Ego hodie, Magistri, geminum hunc Ciconiæ pullum (cujus benefacta adhuc ealent) vestris oculis subjicio. Ego vobis illum imitandum pro-

pono. Non sinebant MILTIADIS Trophæa THEMISTOCLEN (cujus in Græcorum historia illustre nomen est) noctu dormire. RHÆDUS vobis Miltiades esto: ejus hodiè triumphos de ingratitude celebramus. Vos Themistoclem agite. RHÆDUM somniate. RHÆDUM vigilantes cogitate. Semper vestro animo obversetur RHÆDUS. Cura illum laude assequendi vos dormientes, cura illa vos vigilantes teneat. Beneficiorum ejus commemoratio sit in vobis officiorum provocatio. Ejus contemplatione vosmet accendite ad patriam promerita: quod tùm demùm præstare poteritis, quando eundem virtutis callem tenueritis. Pergite, ut facitis, Adolescentes (quibus omnibus egregiæ indolis luculentum testimonium præbeo) atque in studium virtutis magis magisque incumbite: ut vobis honori, amicis utilitati, & reipublicæ, huic præsertim literariæ, emolumento esse possitis. TULLIUM, eundem disertissimum & cōsultissimum monitorem habetis, Lib. 1. de Orat. Quod faxitis, DEUM veneror. Atque ἡ δὲ ῥήσις post Fabulam finio.

Comprecor, antè mea capiant me obliuia dextra:
 Nec memor arguta sit mea dextra lyra:
 Os mihi destituat vox; arescente palatò,
 Hareat ad fauces aspera lingua meas:
 Grata mihi vestra nisi sint præconia laudis,
 Hæc nisi sint laudis pars quoque magna mea.

GLORIA in altissimis DEO, Pax in terra,
 & in Homines Benevolentia.

FINIS.



Εἰς τὸν πᾶν ἈΛΕΞΑΝΔΡΟΝ ἘΡΤΘΡΑΪΟΝ, &c.



Αἰοιῆς ἘΡΤΘΡΑΪΕ μεγακλυτὸν ἄστρομα τέχνης,
φοῖβον καὶ μυσίων μῦσα περισσόνου,
Σοὶ μὲν φιλαυρίδης τε μέγας, καὶ δῖος Ἰάπυς,
Σοὶ δ' αὖ διεξιέρη ἴζε μαχασομένη·
Εἴτε νόσας αἰκίσσασθαι ἀναλθίας, εἴτε εἴλην
Ἀλθαίην βοτάνης ἱναδε λυγαλίας.

Ἀλλὰ τοῖς ἐν πᾶσι ἀκήμασι τῷτο διαυγῆς
λάμπεται, ὡς Μῆνη ἀμυγα λαμπαδίων·
Ὅθι διηπαθέεσαν αἰκίσσας γενναμίνων σου,
Ἦν ἰδίῃ ζῶν ἔμπαλιν ἀνιδιδύς·
Παιτί τε διευομένοισι βίον βίβλεις τε χορηγῶν,
Σὺν συγερῇ λιμῷ ἤρκεσας ἀγνοῖαν·
Ὅφρα δὲ γῆν περόωσι, καὶ οὐλύμπονδε πύττωσαι,
ὧμοισιν ἐπὶ εὐγας δαιδάλε ἡρμόσας.
Χαίρει πάτρῳ περίπτε· πατήρ δ' ὀχνηγὸς ἰάων
Ἀντ' εὐεργεσιῶν σοι καλά πάντα νέμει.

ΤΕΛΟΣ.



